

THE SOCIO-POLITICAL CONCEPT OF HOVHANNES SARGAVAG IMASTASER

Karlen Mirumyan

Doctor of Philosophical sciences, Professor

Leading Researcher of the Institute of

Philosophy, Sociology and Law NAS RA

SUMMARY

The article is devoted to the study of socio-political views of Hovhannes Sarkavag Imastaser, an outstanding scientist, philosopher and social thinker. The article presents the views of the thinker on the social structure of contemporary society, the institutions of power, the interrelationships of social strata, the principles of legality and justice, the existence of pronounced social inequality and unrighteousness, the willfulness of masters, and so on. The article shows that according to Sarvkag's opinion for the establishment of social harmony and peace, so necessary for the country at that time, it is necessary to affirm the rule of law, to introduce the principle of reasonable measure into the consciousness of the higher social strata.

Key words: social stratum, legality, justice, social oppression, national unity, justice, family law.

ԿԱՐԼ ՄԱՐՔՍԻ ՍՈՑԻԱԼԱԿԱՆ ՓԻԼԻՍՈՓԱՅՈՒԹՅԱՆ ԱՐԴԻԱԿԱՆՈՒԹՅՈՒՆԸ

Վալերի Միրզոյան

*Փիլիսոփայության գիտությունների դոկտոր, պրոֆեսոր
Հայաստանի պետական տնտեսագիտական համալսարան*

1. Սարբսի «Կապիտալ»-ը՝ 150 տարի անց. Կարլ Մարքսը հասցեց տպագրել իր կյանքի կիմնական գործի «Կապիտալ» միայն առաջին հատորը 1867թ.: Անցել է 150 տարի: Մարքսի հանդեպ վերաբերմունքն այս ընթացքում եղել է ծայրահեղորեն հակասական: Խորիդային Սիությունում մարքսիզմ-լենինիզմը պետական զաղափարախոսություն էր, Մարքսը և Լենինը հոչակված էին տեսական մտքի զագար, անառարկելի հեղինակություն, նրանց աշխատությունները պարտադիր անցնում էին բոլոր մասնագիտությունների ուսանողները, «մշակում» էին «Կապիտալ» փիլիսոփայությունից, քաղաքատնտեսությունից,

զիտական կոմունիզմից քննություն հանձնելիս: Հասարակագիտական հրապարակումները սկսվում և ավարտվում էին մեջբերումներով: Որևէ կասկած այս գաղափարների և իրականության խզման մասին բացառվում էր, իսկ Մարքսին բուն Մարքսով բացատրելու, մանավանդ նրա մտքերը ինքնուրույն զարգացնելու փորձերն անմիջապես կասեցվում էին «ուսիզինիզմ» ախտորոշմամբ:

ԽՍՀՄ-ի փլուզմամբ վերացավ պարտադրանքը, և այդ փլուզումն ինքնաբերաբար նույնացվեց մարքսիզմի ձախողման հետ: Մարքսիզմի հանդեպ յուրատեսակ «ալերգիա» առաջացավ, Մարքսին սկսեցին մեղադրել հազար ու մի մեղքի համար: Տասնյակ հոդվածներ հրապարակվեցին «Մարքսի սխալ» թեմայով, որոնց մի մասը պարզապես նախկին մարքսիստի ապաշխարանքի միջոց էր, հավատափոխության վավերացում: Տեղին է բրիտանացի տեսաբան Թերի Իզլեռնը շատ պերճախոս վերնագրված իր «Ծնչու էր Մարքսը Ճիշտ» գրքի առաջին իսկ էջում արձանագրում: «Մարքսիստները ոչինչ այնքան չեն ցանկանում, որքան մարքսիստ լինելուց դադարել»¹: Նա ինքը առանձնացնում է Մարքսին վերագրվող «տասը ստանդարտ սխալ» և մեկ առ մեկ դրանք հերքում:

Որքան կարող ենք դատել հակամարքսյան հրապարակումների մեծ մասից, Մարքսին մերժողները նրան անվանարկում են, պիտուկում, բայց ոչ լրջորեն քննադատում, քանի որ վերջինիս համար հարկավոր է «Կապիտալ» գոնե... կարդալ: Եվ եթե թիշչկն ու լեզվաբանը կարող են չկարդալ գիրքը (կամ կարդալ հաճույքի համար, ինքնազարգացման նպատակով), ապա տնտեսագետի, փիլիսոփայի, տցիոլոգի և քաղաքագետի համար «Կապիտալ» անտեսելը դարնում է մասնագիտական թերարթեքության պատճառ: Հարկ է օր առաջ ազատվել Մարքսի վաստակի նաևմացման անմիտ ավանդույթից, իսկ դրա լավագույն միջոցը «Կապիտալ» անաշառ կարդալն է և սեփական վերաբերմունք ձևավորելը: (Եվ եթե այսօր դասախոսն ապագա տնտեսագետներին հայտարարում է, թե «Մարքսը տգետ է եղել», ապա նա, ցավոք, սեփական իմացական տկարությունը փոխանցում է երիտասարդներին:)

Կարլ Մարքսը 19-րդ դարի մեծ մտածողներից է, մահացել է 1883թ., ուստի իրավունք չունենք նրանից պահանջելու այն բանի

¹ Eagleton T., Why Marx Was Right, London: Yale University Press, 2011, p. 1.

իմացությունը, ինչը հնարավոր չէր ժամանակին իմանալ: Եթե որպես արմատական հեղափոխական, քաղաքական գործիչ Մարքսը սխալներ է բույլ տվել, ցանկալին մատուցել իրականության փոխարեն, ապա որպես զիտնական, հետազոտական աշխատանքի չարքաշ մշակ նա վեր է ամեն տեսակի քննադատությունից, իսկ տիտանական աշխատանքի արգասիքը «Կապիտալ», արժանի է գոնե մեկ անգամ կարդալու (թեկուզ «Ախալները» հայտնաբերելու և հիմնավորելու համար): «Կապիտալ» հարկավոր է կարդալ թեկուզ միայն այն պատճառով, որ, ինչպես ամերիկացի նշանավոր տնտեսագետ և տոցիուզ Ռոբերտ Հայլբրոներն է ասում, «մեր առջև մի տնտեսագետ է, որ կարդացել է մյուս բոլոր տնտեսագետների աշխատությունները, գերմանացի պեղանս, որն առիթը բաց չի բողոքում բոլոր կետերը դնելու համար և տարի վրա, հաշվի առնելու ամեն մի մանրամասն....»²: Հավելենք, որ 19-րդ դարում բազում արժեքավոր գրքեր են լույս տեսել, դրանցից մի քանիսն իրենց ասպարեզում հսկայական ներդրում են եղել, սակայն ոչ մեկն այնպես չի ազդել թե՝ տեսական մտքի և թե՝ համաշխարհային իրադարձությունների վրա, ինչպես Կ. Մարքսի «Կապիտալ»:

2. **Որո՞նք են Մարքսի սխալները.** Որևէ խելամիտ մարդ կհամարի՝ արդյոք, որ հատկապես Մարքսն է մեղավոր խորհրդային տարիներին փիլիսոփայության «մարքս-լենինյան» բնութագիրի և առհասարակ ավելի ընդգրկուն «մարքսիզմ-լենինիզմ» բարոկապակցության համար: Մարքսի հայացքների հետ կատարվեց այն, ինչը շատ մեծերի հետ է կատարվել, և ինչպես Մարքսվելին կասեր, թե ինքը մաքիավելական չէ, Նիցշեն նիցշեական չէ, Մարքսն կը եթե հնարավորություն ունենար կարդալու լենինի, Տրոցկու, Բուլշարինի, Ստալինի և բոլշևիկյան միուս մարքսիստների գրվածքները, առավել ևս, եթե տեսներ իր անունով իրականացվող քաղաքականությունը, նույնպես կհայտարարեր, թե ինքը մարքսիստ չէ: «Մարքսիզմ-լենինիզմ» ասլածն իրականում Մարքսի փիլիսոփայության հիմնադրույթների հարմարեցումն էր «լենինիզմի» քաղաքական նպատակներին: Մասնավորապես, դասակարգերի գոյության և դրանց պայքարի մասին մարքսյան ըմբռնումը վերածվել էր քաղաքացիական անողոր պայքարի, «դասակարգային թշնամու» անինան ոչնչացման միջոցի, մատուցվում էր որպես հանրային կյանքում

² Хайлбронер Р. Л., Философы от мира сего. Великие экономические мыслители: их жизнь, эпоха и идеи / Пер. с англ., М., Издательство АСТ, 2016, с. 197.

գաղափարական անհանդուրժողականության անխուսափելիության հիմնավորում:

Ուշագրավ է, որ ԽՍՀՄ փլուզման շեմին եղան փիլիսոփաներ, որ քացեիբաց հայտարարեցին, թե մարքսիստ փիլիսոփաներս բնավ էլ լավ չգիտենք Մարքսի փիլիսոփայությունը, քանի որ «Մարքսի բուն մոտեցումը փիլիսոփայությանը տակավին վատ է իմաստավորված և հարկավոր է, որ այն դատնա հատուկ ուշադրության առարկա»³: Բայց, հավանաբար, դժվար է հաղթահարել նախկին վերաբերմունքի իներցիան, քանի որ այս խոստովանությունից անզամ քանի տարի անց դեռ հարկ է եղել փիլիսոփաներին հիշեցնելու, թե.... «մոռացել ենք Մարքսին»⁴, դեռ ավելին՝ վկայություն, որ «դժվար է Ռուսաստանում գտնել մեկին, ով «Կապիտալը» գրու թերթել է ուշադիր»⁵: Սա նշանակում է նաև, որ Մարքսին աճապարանոր «սխալ հանողները» այսուի նախապես իրենց համար պարզեն, իսկ արդյոք ճիշտ են հասկանում Մարքսի փիլիսոփայական հայացքները, որոնցից ել բխում են նրա տնտեսագիտական և քաղաքագիտական եղանակացությունները:

Մարքսի հասցեին շրջիկ մեղադրանքներից մեկն այն է, թե ինքնին նրա գաղափարներն ուշագրավ են, բայց շատ են կտրված իրականությունից: Եվ սա ասվում է փաստական վիթխարի նյութի հիմամբ, կուու տրամաբանությամբ գրված աշխատությունների մասին: Մարքսն ինքն է քննադատել նախընթաց փիլիսոփայությանը բնորոշ սրոլաստիկան, կտրվածությունը կենսական խնդիրներից, իսկ արմատական տոցիալական վերափոխումներ ուրվագծելիս մեծ տեղ է հատկացրել փիլիսոփաներին՝ պահանջելով հրաժարվել գուտ մտահայեցողական դատողություններից և իրական մասնակցություն ունենալ հանրային կյանքի իրադարձություններին:

Մարքսին դոգմատիզմի համար մեղադրելը ոչ մի քննադատության չի դիմանում: Իհարկե, մարքսիզմը, հատկապես «մարքսիզմ-լենինիզմի» տարատեսակը, չխուսափեց և չէր էլ կարող խուսափել դոգմատիզմից. մեղավորը Մարքսի գաղափարները պարզունակացնող, նույնիսկ գրեհիկացնող քազում «մարքսիստներն» էին, և ԽՍՀՄ-ում մարքսիզմը

³ Баллаев А.Б., Козлова М.С., Предназначение философии. Мысли Маркса К. // Историко-философский ежегодник, М., Наука, 1989, с. 5.

⁴ Слезин Семёнов В.С., Забытый Маркс: о революции, социализме, человеке // Вопросы философии, 2009, № 6, кг 33-46:

⁵ Сендеров В.А., Памяти марксизма // Вопросы философии, 2011, № 3, с. 48.

պետական գաղափարախոսության, անզամ յուրատեսակ կրոնի վերածումը: Բայց եթք ծանոթանում ենք Մարքսի հայացքները քննադատողների, առավել ևս «սխալներից» խոսողների դատողություններին, համոզվում ենք, որ հակամարքսիստների շրջանում ևս թիզ չեն դոգմատիզմին տուրք տվյալները: Մինչդեռ «Կապիտալը» գեր մեկ անգամ թերողդ չի կարող չնկատել մարքսյան դատողությունների կուտ հետևողականությունը, ընդհանուր գիտական մեթոդների (պատմականության, վերլուծության, համադրման, վերացարկման և այլն) հմուտ գործածությունը, եզրակացությունների բխեցման հստակությունը: «Կապիտալը» գիտական անաշառ հետազոտության դասական օրինակ է, և միանգամայն հիմնագործք է այն պնդումը, թե իբր «Մարքսը հայտնվել էր այն աշակերտի վիճակում, որ մարեկմատիկական խնդիր լուծելիս նախօրոք գիտի պատասխանը և լուծումն ամեն կերպ հարմարեցնում է դրան»⁶: Եթք ուսումնասիրում ենք երիտասարդ Մարքսի հասունացումը, տեսնում ենք, թե ինչպես է նա անվարան հրաժարվում նախկինում բարձր գնահատված որևէ դատողությունից, եթք տեսնում է դրա անհամապատասխանությունը իրականությանը: Այդպես է նա Լյուտվիկ Ֆոյերբախի վիխիսովիայության միջոցով ազատվում հեգելյան վիխիսովիայության իդեալիզմից, բայց հետո խորանարկ ֆոյերբախյան լուծումների մեջ և շհամաձայնելով հեղինակի հետ, կրկին վերադառնում է հեգելյան վիխիսովիայությանը այս անզամ ընդունելով և նորովի գարգացնելով գերմանացի մեծ վիխիսովիայի մեթոդի առավելությունը («....Ես ինձ բացահայտ հոչակեցի այդ մեծ մտածողի աշակերտը»⁷): Անցյալի և ներկայի թիզ հեղինակներ կարող են համեմատվել Մարքսի հետ, եթք նա սուր կերպով քննադատում է որոշ վիխիսովիաների շանքերը՝ բացահայտելու հավիտենական ծշմարտություններ, վերին աստիճանի իմաստուն եզրակացություններ, համապարփակ գաղափարներ, որոնք մնում է իրականություն դարձնել, և մարդկությունն այդկերպ կիասնի երանելի կատարելության:

Բնավ նոր չէ Մարքսի հասցեին նեղ եկոնոմիզմի համար մեղադրանքը: Սակայն Մարքսի գաղափարները շատ ավելի լայն և հարուստ են, քան, օրինակ «տնտեսական մարդու» հայեցակարգի կողմնակիցների դատողությունները: Հանգամանորեն ուսումնասիրելով

⁶ Асатрян М.В., Ключ к экономическим и социально-политическим ошибкам марксизма // Вопросы философии, 2009, № 7, с. 30.

⁷ Маркс К., Капитал, т. 1, М., Политиздат, 1973, с. 9.

արտադրահարաբերությունների դերը հանրային կյանքում և դիտարկելով դրանք որպես այն հիմքը, որին խարսխված են վերնաշենքային երևույթները՝ քաղաքականությունը, մշակույթը, բարոյականությունը և այլն, Մարքսը մշտապես շեշտում է դրանց ակտիվ հետադարձ ազդեցության հանգամանքը տնտեսական կյանքի վրա: Այնպես որ միանգամայն տեղին է Թերի Իզլեռնի եզրակացությունը. «Այն պնդումը, թե Մարքսի համար իբր ամեն ինչ հանգում էր «տնտեսականին», անհեթեթ գերպարզունակացում է»⁸: Ինարկե, «քազիւ-վերնաշենք» փոխհարաբերության մեջ վճռորոշ նյութական կյանքի արտադրությունն է, տեխնոլոգիայի զարգացումը, աշխատանքի հասարակական արտադրողականության աճը և, այս առումով, դյուրին է արձանագրել, թե քազիսում կատարված փոփոխություններն ինչպես են ուղղակիորեն ազդում վերնաշենքային երևույթների վրա, մինչդեռ վերջիններիս հակազդեցությունը, որպես կամն, միջնորդավորված է և միանգամից չի դրսւորվում: Չուտ տնտեսական պատճառականության դիրքերից անհասկանալի է դառնում աշխատանքի «մարդաստեղծ» եւրիյան մարքսյան բացահայտումը, աշխատանքից օտարվածության պատճառների համակողմանի վերլուծությունը, «մարդ-տեխնիկա» համակարգի ներքին օրինաչափությունների ուսումնասիրությունը և, վերջինիս հիման վրա, աշխատանքի հումանիզմացման նպատակի հիմնավորումը (ստորև կանդրադառնանք):

Մարքսի «սիալն» է համարվում կապիտալիզմի անխուսափելի փլուզման մասին դրույթը, որը ժամանակի փորձությանը չի դիմացել. կապիտալիզմը կա և ծաղկում է, իսկ ահա մարքսյան գաղափարների ոգով ստեղծված խորհրդային հասարակությունը պատմության գիրկն է անցել: Բնականաբար, որոշ դրույթներ չընեցին ժամանակի փորձությունը, մասնավորապես չհաստատվեց կապիտալիզմի «գերեզմանափորի»՝ բանվոր դասակարգի բացարձակ աղքատացման վերաբերյալ մարքսյան միտքը. կյանքը ցույց տվեց, որ արևմտյան շատ երկրներում բանվորները լիովին ապահովված էին բարեկեցիկ կյանքով, ուստի և ինտեղրված կապիտալիստական համակարգում և պատճառ չունեին դրա «գերեզմանը փորելու»: (Փակագծերի մեջ նկատենք, որ աշխատավորության վիճակի զգալի բարելավումը հետևանք էր նաև ԽՍՀՄ գոյության, որը կապիտալիստներին ակամա և շարունակ հուշում

⁸ Eagleton T., Why Marx Was Right, p. 119.

Եր սոցիալիստական հեղափոխության ներմուծման վտանգը և պարտադրում ենթարկվել արհմիությունների պահանջներին):

Լավ, բայց մի թե այսօր մենք կանգնած չենք Մարքսի նկատած երևոյթի մի նոր շրջադարձի տեխնոլոգիական կործանարար գործազրկության և դրանից ածանցյալ սոցիալ-քաղաքական և կառուցվածքային ցնցումների շեմին: Արտադրության և ծառայության ոլորտների հարածուն ավտոմատացումը, որորտացումը, համակարգչայնացումը հազարավոր որակյալ աշխատողների գրկում են աշխատանքից, իսկ պակաս որակյալ աշխատանքի խորշն արդեն գրադած է շրաբոր երկրներից էժան աշխատուժի առկայությամբ: Կապիտալիզմը ձևավորվել է պատմական, տնտեսական, քաղաքական, սոցիալական որոշակի պայմաններում, նրա ողջ պատմությունն ուղեկցվել և ուղեկցվում է ոչ միայն տեխնոլոգիական նորարարությամբ, տնտեսական բարգավաճմամբ, սպառման և ժամանցի լայն հնարավորությունների ստեղծմամբ, այլև տարատեսակ ձգնաժամերով, մարդկային և նյութական վիթխարի կորուստներով, կոտորածներով, շրջակա միջավայրի ահազնացող ապականմամբ, ամբողջ քաղաքակրթության ջերմամիջուկային ինքնակործանման իրական սպառնալիքով:

Կապիտալիզմի մարքսյան ախտորոշումը վերահաստատում են ժամանակակից փիլիսոփաները (ոչ բոլորն են հավատափոխ եղել). «Կապիտալիզմը միշտ զարգացել է և շարունակում է զարգանալ անհավասարաշափ, անհամամասնորեն, աններդաշնակ, միակողմանի, անձոռնի»⁹: Եվ գնալով ավելի ակնհայտ է դառնում, որ կապիտալիստական համակարգի ինքնակարգավորման ներքին հնարավորությունները սպառվում են: Այնպէս որ Մարքսի վերջնական եզրակացությունը միանգամայն հիմնավոր է եղել, և 150 տարի հետո նույնն են ձևակերպում ամերիկացի առաջատար մակրոտցիոլոգները. «Որպէս համակարգ կապիտալիզմի գոյությունը 500 տարվա ընթացքում չի ապացուցում, որ նա հավերժ է»¹⁰: Եվ արդեն անվանումներ են որոնվում կապիտալիզմին փոխարինող նոր համակարգի մասին՝ առայժմ հիմնականում շատ զգուշավոր «հետկապիտալիստական» բնութագրմամբ: Եվ, թերևս, ամենապերճախոս վկայությունը

⁹ Семёнов В.С., Забытый Маркс, с. 43.

¹⁰ Валлерстайн И., Коллинз Р., Мани М., Дерлугյян Г., Калхун К., Есть ли будущее у капитализма? / Пер. с англ., М., Изд-во Института Гайдара. 2017. с. 16.

«հետկապիտալիստական» կապիտալիզմի տեսարաններից մեկի՝ բրիտանացի լրագրող Պոլ Սեյսնինն է. «Մարքը վերադարձել է»¹¹:

Մարքսին մեղադրում են հետմարքայան իրողությունների, մարքսիզմի տեսական աղավաղումների և Մարքսի անվամբ կատարված քաղաքական իրադարձությունների համար: Հստ որոշ հեղինակների՝ «Ստալինը... իրականացրել է Մարքսի գաղափարները, այդ բվում՝ նաև նրա սխալները»¹², «ստալինյան-բոլշևիլյան դիկտատորան Կ. Մարքսի մշակումն է, նրա նախազիծն է»¹³: Բացարձակապես անհիմն եղակացություն է: Այս տրամաբանությամբ Հիսուս Քրիստոսին կարող ենք մեղադրել ինչվեցիցիայի համար, Վոլտերին, Ռուսոյին և Փրանսիացի մյուս լուսավորիչներին՝ գիյոսինի, Ֆրիդրիխ Նիցշեին՝ նացիստական համակենտրոնացման ճամբարների համար և այլն: Իսկ Մարքսի գործածած (ոչ թե ստեղծած) «պրոլետարիատի դիկտատորա» հաւկացությունը ժամանակին նշանակել է ժողովրդի մեծամասնության իշխանություն, այսինքն՝ արտահայտել է ժողովրդավարության բուն եռությունը:

«Կապիտալը» ոչ միայն կապիտալիստական արտադրաեղանակի ծագման, հասունացման և անխուսափելի վիլուգման մասին տնտեսազիտական ուսումնասիրություն է, այլև կապիտալիզմի գոյաբանության ընդգրկուն սոցիալ-փիլիսոփայական իմաստավորում: Այնպես որ, թեպետ Մարքսը զուտ փիլիսոփայական աշխատություն չի գրել, սակայն մեզ է ավանդել հանրային իրողությունների գիտական ուսումնասիրության և փիլիսոփայական իմաստավորման զուգորդման դասական օրինակ: Իսկ արդեն մեզանից է կափված մարքսյան մեթոդաբանությունն օգտագործելը և XXI դարի իրողությունների գիտական համակողմանի ուսումնասիրությունը համատեղել փիլիսոփայական իմաստավորման հետ: Իսկապես, ժամանակակից աշխարհում պարբերաբար կրկնվող և խորացող սոցիալ-տնտեսական ճգնաժամերը լիովին բացատրվում են Մարքսի վերլուծական մեթոդաբանությամբ, և նման հետազոտական գինանոցի անտեսումը, եթե չասենք դրա հանդեպ քամահրական վերաբերմունքը թանկ է նստում

¹¹ Mason P., PostCapitalism: A Guide to our Future. London: Penguin Books, 2015, p. 49. Հեղինակը հիշեցնում է նաև, որ 2008 թ. տնտեսական ճգնաժամի սկզբում Մարքսի «Կապիտալ»-ի վաճառքը 300 տոկոսով ավելացել էր:

¹² Скиф М., Фатальная ошибка Маркса // http://samlib.ru/s/skif_m/01001_marshall_mistake.shtml

¹³ Шумаков А., Ошибки “Капитала” К. Маркса // http://samlib.ru/s/shumakov_a_i/a51.shtml

հումանիտար գիտությունների վրա: Տարօրինակ է, որ մարքսյան մեթոդաբանությունը որպես ճանաչողական գործիք օգտագործելու փոխարեն ումանք ցանկանում են «Կապիտալ»-ում գտնել այսօրվա իրողության մանրամասն նկարազրությունը: Բայց, մեկ կ շեշտենք, նման մոտեցումը, այսինքն՝ Մարքսին մարգարեի կամ գուշակի վերածելը ի՞նչ կապ ունի 150 տարի առաջ գրված գրքի և նրա հեղինակի հետ¹⁴:

Ամեն մի գիտական վերլուծության ելակետը նպատակի ձևակերպումն է: Կարենոր է հասկանալ, թե ի՞նչ նպատակ ուներ Մարքսը, ինչո՞ւ ձեռնամուխ եղավ այս տիտանական աշխատանքին: Բնական է ամենից առաջ դիմել հեղինակի ձևակերպումներին: Դրանք կան գրքի 1-ին հրատարակության (1867թ.) առաջաբանում և երկրորդի վերջաբանում (1873թ.): Հենց սկզբից Մարքսը տեղեկացնում է ընթերցողին, որ «Կապիտալ» շարունակությունն է ավելի վաղ՝ 1859թ. հրապարակած իր «Քաղաքատնտեսության քննադատության շուրջ» աշխատության, որի որոշ դրույթներ ինքը սեղմ վերաշարադրում է գրքի առաջին հատորի առաջին գլուխում: Երկրորդ հրատարակության վերջաբանում նա ավելի հանգամանորեն է շարադրում իր նպատակը, ինչպես նաև այդ նպատակադրման դիրքերից անդրադառնում է մի շարք կարծիքների, ձգտելով թե՛ համախոհների և թե՛ հակառակորդների արձագանքներից ինքն իր համար պարզել, թե որքանո՞վ է նպատակը ճիշտ հասկացվել:

Նպատակադրման հստակեցմանը, որպես գիտական վերլուծության մեթոդաբանական հիմքի, հետևում են ևս մի շարք դրույթներ: Այսպես, որևէ երևույթ, բացատրում է Մարքսը, հարկավոր է ուսումնասիրել դրա առավել զարգացած, ծավալուն փուլում: Ահա թե ինչու ապրանքային արտադրության առանձնահատկություններն ինքը հարկ է համարում ուսումնասիրել ոչ թե Գերմանիայի, այլ հատկապես Անգլիայի օրինակով: Այստեղից բխում է կարենոր մի եզրակացություն զարգացած երկրների վիճակը «պակաս զարգացած երկրին ցույց է տալիս նրա սեփական ապագան»¹⁵: Այլ կերպ ասած, այն երևույթները, որ ժամանակակից

¹⁴ «Մարքսը մարգարե էր, ոչ թե բախտազրուշակ» (Eagleton T., Why Marx Was Right, p. 67): Թերի Իզլունի միտքն այն է, որ Մարքսը, ինչպես և աստվածաշնչան մարգարեները, ոչ թե փորձել է ապագան գուշակել, այլ բնութագրելով ներկան՝ իր խորը հակասություններով, զգուշացրել, որ եթե մարդիկ չփորձեն ինչ-որ բան փոխել, ապա առհասարակ ապագա չեն ունենա (նոյն տերում, էջ 66 – 67):

¹⁵ Маркс К., Капитал, т. 1, с. 9.

աշխարհում տեղի են ունենում զարգացած երկրներում վաղը դրսևորվելու են, մասնավորապես, նաև Հայաստանում, ուստի հարկավոր է դրանք, ինչպես նաև դրանք հաղթահարելուն ուղղված միջոցառումները ուսումնասիրել արդեն հիմա, ոչ թե սուկ հայթարարել, թե «ճնաժամը շրջանցելու է Հայաստանը»:

Հաջորդ դրույթը Մարքսի դիրքորոշումը շահեկանորեն տարբերում է վոյցունտարիստական և ֆատալիստական փիլիսոփայությունների ծայրահեղությունից. առաջինը գերազնահասում է անհատի դերը պատմության մեջ՝ այդկերպ նսեմացնելով հասարակական երևույթների զարգացման օրիեկտիվ պատճառակցման իրողությունը, իսկ երկրորդը (ինչպես կրոնական, այնպես էլ աշխարհիկ տարբերակով) հակառակն է անում՝ մարդուն զրկում գործունակությունից, վերածում անխուսափելի իրադարձությունների կրավորական մասնակցի: Մինչդեռ ըստ Մարքսի հասարակության զարգացումը «բնապատմական ընթացք» է, մի կողմից մարդիկ անկրկնելի են, ինքնուրույն սուբյեկտներ, անկրկնելի և առանձնահատուկ են նաև նրանց նպատակները և դրանց իրականացմանն ուղղված գործողությունները, որոնք ել իր վերջո կազմում են պատմության ընթացքն ամեն մի որոշակի ժամանակում, ուստի և հասարակական երևույթներին բնորոշ օրինաշափությունը չի կարող չտարբերվել բնական աշխարհին հատուկ «կույր» օրինաշափություններից, բայց, մյուս կողմից, այն օրիեկտիվ պայմանները, որոնց մեջ ձևավորվում և գործում են այդ անկրկնելի մարդ-սուբյեկտները, հաղորդում են նրանց նպատակադրումների բովանդակությանը որոշակի ընդհանրություն, այդկերպ հասարակական երևույթներին նույնպես հաղորդելով կարծես վերսուբյեկտային ընթացքի բնույթը: Այստեղից՝ տեսական և գործնական բնույթի մի կարևոր եզրակացություն, որ կարող ենք համարել յուրատեսակ հրամայական ուղղված ամեն մի հասարակության քաղաքական-կառավարչական վերնախավին, այն է՝ եթե անգամ մենք ճանաչենք հասպարակական զարգացման խորքային պատճառները, պետք է զիտակցենք, այդ բնականի նման՝ «բնականոն» փուլերի վրայով «ոչ էլ կարող ենք քոչել, ոչ էլ հրամանազդերով դրանք վերացնել», թեպես կարող ենք «կրծատել և մեղմել երկունքի ցավերը»¹⁶: Նկատենք, որ Մարքսի որևէ բնադրատ այստեղ կարող է, թերևս, հեղափոխական վոյցունտարիզմի տարրեր

¹⁶ Նույն տեղում, էջ 10:

տեսնել, իրադարձությունների բոնի «արագացման» ցանկություն, բայց մենք կհամաձայնեինք, եթե Մարքսը չիներ զուտ կարինետային գիտնական, այլ մասնակցեր որևէ կուսակցության կամ շարժման հեղափոխական միջոցառումներին: Ճիշտ է, Մարքսը համահեղինակն է 1848թ. հրապարակված «Կոմունիստական կուսակցության մանիֆեստի», բայց դա հենց մանիֆեստ է որ կա՝ նպատակների մասին հոչակագիր, որից բխող որևէ իրական գործողության Մարքսը չի մասնակցել: Մարքսը տեսաբան էր, զարդարի մարդ, և կապիտալիստական արտադրաեղանակի հանգամանալից վերլուծությունից բխող նրա եզրակացությունը կապիտալիզմի անխուսափելի փլուզման մասին, վերստին տեսական-մտահայեցողական կառույց է: Կապիտալիզմն իր իսկ զարգացման տրամաբանությամբ պատրաստում է սեփական կործանումը և սեփական «գերեզմանափորին» բանվոր դասակարգին, բայց սա՛ դարձյալ տեսական դատողություն է, ամրապնդված չէ ոչ գործողությունների ծրագրով, ոչ պայքարի եղանակների և մեթոդների պարզաբանմամբ, ոչ ժամկետների մասին որևէ հիշատակումով:

Արժե, թերևս, խոսել «սխալ» հասկացության մասին, որն այդքան դյուրությամբ ումանք գործածում են Մարքսի տեսական ժառանգության համար: Միայլ, նախ՝ կարող է լինել նպատակադրման ձևակերպման մեջ (լինդրակի սխալ), երկրորդ տվյալների մեջ (փաստական սխալ), որոնց վրա կառուցվում է հեղինակի դատողությունը, երրորդ՝ բուն եզրակացությունների մեջ (բխեցման սխալ): Իսկ եթե մենք 150 տարի առաջ գրված գրքի դատողություններն ու եզրակացությունները համեմատում ենք արդիականության հետ և հայտնաբերում անհամապատասխանություն, ապա սխալ է հենց մեր կատարած այդ համեմատությունը: Իսկ թի՞չ են սխալվում ժամանակակից տնտեսագետները և սոցիոլոգները: Չէ՞ որ ոչ մի տեսաբան չկարողացավ կանխատեսել 2008թ. ֆինանսատնտեսական ճգնաժամը (թերևս, սխալված չենք լինի ասելով, որ դա նաև տնտեսագիտության ճգնաժամն էր): Ահա թե ինչ է ասում կանխատեսումների հարցում սխալվելու անխուսափելիության մասին Ալվին Թոֆլերը, ապագայի վերաբերյալ կանխատեսումների ասպարեզի, թերևս, ամենանշանավոր դեմքերից մեկը. «Տնտեսագետները բավական խորաթափանց են և ջանասեր, այդուհանդերձ, նրանք հիմնավոր պատճառներ ունեն իրենց սխալ

կանխատեսումներից շատերի համար»¹⁷: Եվ իսկապէս, հեղինակը նշում է տեղեկատվության անորոշությունը, միջավայրի փոփոխականությունը, շտապողականությունը, պատահական հանգամանքների ի հյայտ զալը և այլն: Այդպէս է, անշուշտ, և այդպէս է եղել նաև 150 տարի առաջ, երբ Մարքսն ավարտում էր իր կյանքի գործը: Այնպէս որ, անցյալի մտածողներին հարկավոր է գնահատել ըստ այն բանի, թե ինչ են նրանք տվել իրենց ժամանակի համեմատ և ժամանակի համար: Այդ տեսակետից կապիտալիստական արտադրաեղանակի ծագման, հասունացման և հետագա անխուսափելի կործանման մասին մարքսյան հիմնարար հետազոտությունը՝ «Կապիտալ», բացառիկ արժեքավոր է թե՛ փաստացի վիճակի նյութի արձանագրման, թե՛ հետազոտության մեթոդաբանության և թե՛ ձևակերպված օրինաչափությունների մեծամասնության առումով:

Հավարտ հիշեցնեմ Մարքսի մի սխալի մասին, որին տողերիս հեղինակն անդրադարձել է այն տարիներին, երբ դեռ այդքան էլ ընդունված չէր նրա սխալներից խոսելը¹⁸: Դա վերաբերում է մարքսյան այն դիտողությանը, թե Հեգելը, աշխատանքի դիալեկտիկայի բացահայտման ասպարեզում բացառիկ ներդրմամբ, մասնավորապես աշխատանքից աշխատողի ինքնօտարման երևույթի համակողմանի ուսումնասիրությամբ հանդերձ, տուրք է տվել որոշակի միակողմանիության. «Նա քննարկում է աշխատանքը որպես էռույն, որպես մարդու ինքն իրեն հաստատող էռույնը, նա տեսնում է աշխատանքի միայն դրական կողմը, բայց ոչ բացասականը»¹⁹: Մարքսիստական գրականության մեջ կայունացել էր այդ դրույթի մեկնաբանությունը որպես Հեգելի ոչ քննադատական մոտեցում արտադրության կապիտալիստական եղանակի հանդեպ: Մինչդեռ «Ենայի ունալ վիլխուսփայություն» աշխատությունը լիովին հերքում է այդ մեկնաբանությունը: Այստեղ Հեգելը խոսում է այն մասին, թե աշխատանքի ծայրահեղ տրոհվածությունը բուն աշխատանքը դարձնում է «ավելի մեխանիկական, բրացած, ոգեզուրկ», ինչը բացասաբար է անդրադարձում աշխատողի վրա «բուր աշխատանքը

¹⁷ Toffler A., Toffler H., Revolutionary Wealth, N.Y.: Random House, 2006, p. 117.

¹⁸ Տե՛ս Միքոնյան Վ.Ա., Աշխատանքի մարքսյան փիլիսոփայությունը, Եր.: ՀՍՍՀ ԳԱ հրատ., 1986, էջ 75 – 78, 272 – 275:

¹⁹ Маркс К., Экономическо-философские рукописи 1844 года // Маркс К., Ф. Энгельс. Сочинения, т. 42, М., Политиздат, 1974, с. 41. т. 42, с. 159. Տե՛սնա էջ 156, 159, 167, 170:

սահմանափակում է նրան մի կետում, և աշխատանքն այնքան ավելի կատարյալ է, որքան ավելի միակողմանի է²⁰: Հեգելը չի բավարարվում սուկ արձանագրությամբ, այլ նաև վիճակի սոցիալ-տնտեսական պատճառներն է մատնացույց անում (փաստորեն, կանխելով իր իսկ՝ Մարքսի նմանօրինակ վերլուծությունը²¹), մասնավորապես այն բանում, որ «մեծ թվով մարդիկ դատապարտված են կատարելապես բրացնող, անառողջ և անապահով աշխատանքի», աշխատանքի սուբյեկտի «հմտությունը սահմանափակող» աշխատանքի, «դրսերդիում է մեծ հարստության և մեծ աղքատության հակադրությունը»²²: Այսպիսով, Մարքսը սիսակվել է այս հարցում: Հեգելի դիրքորոշումը գնահատելիս: Բայց և մենք կսխալվենք, եթե չնշենք, որ Մարքսը չեր կարող ծանոթ լինել Հեգելի «Ենայի ռեալ փիլիսոփայությանը», որը լույս է տեսել միայն 1931թ., եեւևարար, չեր կարող ամբողջական պատկերացում ունենալ իր նախորդի դիրքորոշման մասին:

3. Մարդկային աշխատանքի եռթյան և աշխատանքի մարդկայինացման մարքսան հայեցակարգը. «Աշխատանքը թվում է միանգամայն պարզ կատեգորիա», նախապես արձանագրում է Մարքսը տարածված ընկալումը²³, ապա դրվատանքով նշում «Աղամ Սմիթի կատարած հսկայական քայլն առաջ». ի տարբերություն նախորդ տնտեսագետների, որոնք հարստության աղբյուր աշխատանքը կապում էին դրա որոշակի ձևի հետ (հողագործական աշխատանք, վաճառականություն, մանուֆակտուրա), Սմիթը գիտական հետազոտության կենտրոնում է դնում աշխատանքն առհասարակ և բուն հարստությունը մեկնաբանում որպես մարդկային առարկայացած աշխատանք: Իսկապես, հենց Սմիթն ապրանքի սպառողական արժեքի «հիմնական և իրական չափանիշ (the ultimate and real standard) հոչակեց աշխատանքը: Ուստի, Սմիթի տրամաբանությամբ, միևնույն աշխատանքը կատարելիս՝ միջին առողջության, ֆիզիկական և հոգևոր ուժի, հավասար հմտությունների և ճարտարության տեր աշխատող պիտի որ ներդնի «իր հանգստի, ազատության և երջանկության միևնույն բաժինը (the same portion of his ease, his liberty, and his happiness)»²⁴: Այստեղ

²⁰ Гегель, Историческая реальная философия // Работы разных лет, т. I, М., Мысль, 1970, с. 343.

²¹ Ст. т. 42, с. 53, 90.

²² Նույն տեղում, էջ 343 – 344:

²³ Маркс К., Экономические рукописи 1857–1861 гг., ч. I, М., Политиздат, 1980, с. 41.

²⁴ Smith A.; An inquiry into the nature and causes of the wealth of nations, <http://socserv.mcmaster.ca/econ/ugcm/3li3smith/wealth/wealbk01>

Է, որ Սարբը փորձում է հաղթահարել սմիթյան քանտեցման միակողմանիությունը. զուտ տնտեսագիտական ընկալման պարագայում զարմանալի չէ բնավ, որ Սմիթն աշխատանքի բուն ընթացքը, այսինքն՝ աշխատուժի ծախտման բուն սուբյեկտի կողմից, դիսում էր միայն որպես հանգստի, ազատության և երջանկության գոհաբերում. «չտեսնելով, զրում է Սարբը, – այդ ծախսման մեջ նաև նորմալ կենսագործունեություն»²⁵: Մինչդեռ առողջ մարդը, Սարբի համոզմաբ, ունի «նաև պահանջմունք՝ աշխատանքի նորմալ բաժնի և հանգստի ընդհատման»²⁶:

Այնպես որ սմիթյան «գոհաբերության» հայեցակարգը, թեպետ «ճիշտ է արտահայտում վարձու բանվորի սուբյեկտիվ վերաբերմունքն իր սեփական գործունեությանը», սակայն թույլ չի տալիս տեսնելու երկու հանգամանք: Նախ, որ աշխատանքը, ամեն ինչից զատ, նաև իր՝ աշխատողի «որոշակի վերաբերմունքն է իր կողմից մշակվող առարկային և իր սեփական աշխատանքային ընդունակություններին»²⁷, և որ «հակառակ պարագայում դա չէր լինի նպատակալաց գործունեություն, աշխատանք»²⁸: Եվ, երկրորդ, դրա շնորհիվ բուն աշխատանքի ընթացքում «արտաքին նպատակները կորցնում են միայն արտաքին, բնական անհրաժեշտության երևութականությունը և դարձնում նպատակներ, որոնք անհատն ինքն է իր առջև դնում, հետևաբար, դրվում են նրա, իբրև սուբյեկտի, առարկայական մարմնավորում, ինքնիրագործում, այսինքն իբրև գիրական ազատություն, որի գործունյա դրսուրումն է հենց աշխատանքը»: Վերջիվերջո, ըստ Սարբի տպավորիչ բառահիտի, «այն, ինչ Սմիթը համարում է հանգստի գոհաբերություն, կարելի է նաև անվանել ծովության, անզատության, դժբախտության գոհաբերություն, այսինքն բացասում որոշակի բացասական վիճակի»²⁹:

Այստեղից Սարբի հետազոտական ուշադրության կենտրոնը տեղափոխվում է սոցիալ-քաղաքական դաշտ. հարցադրումները ուղղված են աշխատանքի բարերար բովանդակության և սոցիալական խաթարող ձեւերի հակամարտության բացահայտմանը և

²⁵ Սարբ Կ., Կապիտալ, հատ. 1, Եր., Հայպետհրատ, 1954, էջ 54:

²⁶ Մարք Կ., Экономические рукописи 1857–1861 гг., ч. 2, М., Политиздат, 1980, с. 111.

²⁷ Ըույն տեսուր, էջ 114: Ըսդգծումը Սարբին է:

²⁸ Մարք Կ., Теория прибавочной стоимости (4-й том "Капитала"), ч. 3, М., Политиздат, 1978, с. 274.

²⁹ Մարք Կ., Экономические рукописи 1857–1861 гг., ч. 2, с. 111, 114.

հաղթահարմանը: Ինչո՞ւ է «մարդու սեփական գործունեությունը նրա համար դառնում օտար, նրան հակադիր ուժ, որը ճնշում է նրան, փոխանակ ինքը իշխի դրա վրա»³⁰: Ինչո՞ւ է աշխատողն ինքն անտարբեր կատարած աշխատանքի բուն բովանդակության հանդեպ³¹, ինչո՞ւ է նա սեփական գործունեությունը ընկալում ոչ թե որպես իր մտավոր ու ֆիզիկական ուժերի դրսենորում, աշխատանքային հմտությունների զարգացում, այլ տանջանք, իրոք որ զոհաբերություն, ինչո՞ւ, հարկադրանքը դադարելուն պէս, նա «աշխատանքից փախչում է՝ ինչպես ժանտախտից»³²: Ինչո՞ւ է, ուրեմն, փիլիսոփայական լեզվով ասած, «աշխատանքը աշխատողի համար արտաքին ինչ-որ բան, իր երթյանը չպատկանող»³³, ինչո՞ւ «աշխատանքի հմաստը նրա համար այն չէ, որ նա գործում է, մանում, շաղափում և այլն, այլ այն, որ դա վաստակելու եղանակ է, որ նրան ինարավորություն է տալիս ճաշելու, պանդրկ գնալու, քնելու»³⁴: Այս հարցերի մարքսյան պատասխանը մեկն է՝ պատճառը աշխատանքի հարկադրական բնույթն է, ստիպողական լինելը: Խնդիրը, այսպիսով, ստանում է գործնական-քաղաքական ուղղվածություն ազատազրել աշխատանքի իրական խմաստը խաթարող ձեից, հաղթահարել աշխատողի օտարվածությունը:

20-րդ դարի 70-ական թվականներից մարդկային աշխատանքի խմաստի նկատմամբ տեսական և գործնական հետաքրքրության մի խսկական «պայյթյուն» տեղի ունեցավ. հատկապես մարդկանց հանրային կեցության այդ վճռորոշ ասպարեզում ակնկալվող արմատական փոփոխություններին վերաբերող դատողություններն են ընկած հետարդյունաբերական հասարակության հիմնական բնութագրիչների տարատեսակ ուրվագծերում³⁵: «Աշխատանքային կյանքի որակի» ուսումնասիրության և սոցիալական կարգավորման

³⁰ Սարր Կ., Էնգելս Ֆ., Ֆոյերբախ. մատերիալիստական և իդեալիստական հայացքների հակառակությունը // Ընտիր երկեր, հ. 1, 1972, էջ 33:

³¹ Տե՛ս Մարքս Կ., Глава шестая. Результаты непосредственного процесса производства // Маркс Կ., Ф. Энгельс. Сочинения, т. 49, М., Политиздат, 1974, с. 69.

³² Մարքս Կ., Экономическо-философские рукописи 1844 года, с. 91.

³³ Նոյն տեղում, էջ 90: Ընդգծումը Սարրին է:

³⁴ Սարր Կ., Վարձու աշխատանք և կապիտալ // Սարր Կ. և Ֆ. Էնգելս, Ընտիր երկեր, հատ. 1, Եր., 1972, էջ 202: Ընդգծումը Սարրին է:

³⁵ Տե՛ս D. Bell, Labor in the Post-Industrial Society. Special Issue: The World of the Blue Collar Worker // Dissent, vol. 19, № 1, 1972.

խնդիրներին էին նվիրված բազում հրապարակումները, գիտաժողովները, նորաբաց հետազոտական կենտրոնները, ամենաբարձր մակարդակում ընդունվեցին համապատասխան կառավարչական որոշումներ: Միջազգային մի շարք ծրագրերի իրականացման նախաձեռնություն հանդես բերեց Աշխատանքի միջազգային կազմակերպությունը՝ ամփոփելով զանազան երկրների փորձը³⁶: Սի խորով՝ եթե ամփոփենք Պոլ Ռիլյորի գնահատմամբ, տեսական մտքի մեծ իրադարձություններից մեկը եղավ «մարդու որպես աշխատավորի բացահայտումը կամ վերաբացահայտումը»³⁷: Այսկերպ հաստատվում է մարքսյան հայտնագործությունը աշխատանքի իրական եռթյան և մարդաստեղծ դերի մասին:

Մարքսի այդօրինակ կանխատեսումները իրականություն են դառնում նաև գործնական-տեխնոլոգիական առումով: «Աշխատանք» և «տեխնիկա» հարաբերակցության մարքսյան ուսումնասիրության մեթոդաբանության մեջ կարող ենք առանձնացնել երկու կողմ՝ մեկը տեխնիկայի գործառության և զարգացման ներքին օրինաչափությունների, «մարդ - տեխնիկա» համակարգի ինքնաշարժման, ինքնազարգացման օրինաչափությունների պարզաբանումն է, մյուսը տեխնիկայի և տեխնոլոգիայի որպես առջևական երևույթի արտաքին պատճառակցվածության բացահայտումն է, մարդկային աշխատանքի զարգացման և բուն մարդու եռթենական կարողությունների վրա դրանց ազդեցության լուսաբանումը³⁸:

Բուն տեխնիկան, ըստ Մարքսի, մարդու նպատակահարմար գործունեության համար է ստեղծվել, ուստի և տեխնիկայի և տեխնոլոգիայի սոցիալ-ֆիլիշտիկայական գնահատականն այն պիտի լինի, թե դրանք որքանով են նպաստում մարդկային աշխատանքի առավել արդյունավետ կատարմանը: Հանգամանորեն ուսումնասիրելով արհեստագործական աշխատանքից մանուֆակտուրային արտադրության միջանկյալ փուլով մերենաների վրա հիմնված

³⁶ St. u Bluestone L., Creating a New World of Work // International Labour Review, vol. 115, № 1, 1977; Donahue T., Labor Looks at New Technology // Productivity: Prospects for Growth / Ed. by J.M.Rosow. N.Y.: Van Nostrand, 1981; Kunovich S., Stomczynski K.M., Systems of Distribution and a Sense of Equity: A Multilevel Analysis of Meritocratic Attitudes in Post-industrial Societies // European Sociological Review, v. 23, № 3, 2007.

³⁷ Ռիլյոր Պ., Աշխատանք և խոր // Ռուբեկոն, 2007, № 2, էջ 5:

³⁸ St. u հանգամանորեն Միքոյան Վ., Աշխատանքի մարքսյան փիլիսոփայությունը, էջ 131 – 197:

արտադրությանն անցումը՝ Մարքսն առաջին հեղինակն է, որ պարզաբանել է 18-րդ դարի վերջի-19-րդ դարի սկզբի առաջին արդյունաբերական հեղափոխության սոցիալական պայմանավորվածությունը: Մասնավորապես, եթե ստրկատիրական հասարակարգին փոխարինած ավատատիրական հասարակարգը չփոխեց իր տեխնոլոգիական հիմքը, քանի որ, որպես քնամթերային տևական լիովին բավարարվում էր արեւստագործական աշխատանքին հասու արտադրողականությամբ, ապա կապիտալիստական հասարակարգը, իրեն բնորոշ շուկայական տևական լիովին աշխատանքի հասարակական արտադրողականության կտրուկ վերելքի, ուստի և իր իսկ եւթյամբ խթանում էր մեքենաների գանգվածային մուտքը արտադրություն:

Շարունակելով «մարդ – տեխնիկա» համակարգի ներսում կորցմերի գործառույթների վերաբաշխման տրամաբանության վերլուծությունը Մարքսը հանգում է արտադրության ավտոմատացման հեռանկարին և փորձում է բնութագրել այդ պայմաններում աշխատանքի սորբեկությունը ուղղի դերը, ինչպես նաև նրա անձնային զարգացման հնարավորությունները: «Մարդ–տեխնիկա» համակարգի ինքնազարգացման մեջ Մարքսն առանձնացնում է «աշխատանքի կենդանի պրոցեսում արտադրության միջոցների ձևով մասնակցող անցյալ աշխատանքի անընդհատ աճող նշանակությունը»³⁹, որը վճռորոշ է դառնում արտադրության մեջ գիտության հարաձուն տեխնոլոգիական գործադրմամբ, և այդինք աշխատանքի սուբյեկտն այլևս ուղղակիորեն ներգրավված չի մնում արտադրության բուն ընթացքի մեջ, այլ աստիճանաբար արտամիջում է դեպի արտադրության վերտեխնոլոգիական ոլորտը: Այդ պայմաններում արդեն «աշխատանքը հանդէս է զայիս արդեն ոչ այնքան իբրև արտադրության ընթացքում ներգրավված, որքան այնպիսի մի աշխատանք, որի դեպքում մարդը, ընդհակառակը, վերաբերվում է բուն արտադրության պրոցեսին իբրև այն վերահսկողը և կարգավորողը.... Արտադրության գլխավոր գործակալը լինելու փոխարեն աշխատողը կանգնում է արտադրության կողքին»⁴⁰:

Իհարկե, նույնիսկ ժամանակակից տեխնոլոգիական առաջնօրացի պայմաններում այս կանխատեսումը լիովին իրականություն չի դարձել,

³⁹ Մարքս Կ., Կապիտալ, էջ 637:

⁴⁰ Маркс К., Экономические рукописи 1857 – 1861 гг., в 2-х ч., ч. 2, с. 215 – 216.

բայց փաստորեն Մարքսը միանգամայն ստույգ է նշել «մարդ – տեխնիկա» համակարգի զարգացման հիմնական միտումը: Իսկ անցյալ դարի 70-ական թվականների վերջից լայն թափով տարածվող «աշխատանքի հումանիզմացման» տեսությունները և գործնական միջոցառումները⁴¹ դարձյալ հաստատում են մարքսյան եզրակացության հիմնավորվածությունը: Դրանց հիմքում ընկած է «աշխատանքն ինքնին» (work itself) զաղափարը, այսինքն՝ ժամանակակից մարդու աշխատանքային վարքագծի արդյունավետ կառավարման համար կարելոր է, անշուշտ, տնտեսական արդարացի վարձատրումը, նպաստավոր են աշխատանքային բարենպաստ պայմանները, դեկավարման ժողովրդավարական ոճը, աշխատակազմի ներսում տիրող հոգեբանական միջնորդությունը և այլն, բայց առաջին պլան են մղվել բուն աշխատանքին ներկայացվող պահանջները՝ ինքնին բովանդակալից լինելը, ստեղծագործական տարրերը, անձնային-մասնագիտական աճի հեռանկարը, աշխատանքի առջիալական բարձր արժեքը, աշխատանքի միջոցով կազմակերպության ամբողջ գործունեության պլանագրմանը մասնակից դառնալու հնարավորությունը և այլն: Այս երևույթն առավել ցայտուն է դրսերվում ներկա պայմաններում, և եթե նախկինում շրջանառության մեջ էին «սպառող հասարակության», «ժամանցի հասարակության», ամեն զնով՝ հաջողության հասնելու, նյութական բարգավաճման և եսական մրցակցության զաղափարները, ապա այսօր ավելի շատ հանդիպում ենք «իմաստալից աշխատանքի» բացարկի կարևորությունը շեշտող հրապարակումների⁴², հար և և նման աշխատանքի մարքսյան հայեցակարգի հիմնադրույթներին:

Այսպիսով, մարքսյան այն կանխատեսումը, թե աշխատանքը երբեւ կդառնա մարդու համար առաջին կենսական պահանջմունք, թեկուզ որպես միտում սկսել է գերիշխել աշխատանքի հանդեպ նոր սերունդների վերաբերմունքի մեջ: Այսկերպ ևս մեկ անգամ համոզվում ենք մարքսյան հիմնադրույթների կենսունակության մեջ. դիցուք ԽՍՀՄ օրոք աշխատանքի վերածումը մարդու առաջին կենսական պահանջմունքի հոչակվել էր որպես կոմունիստական

⁴¹ Տե՛ս հանգամանորեն Միքայել Վ., Կառավարման փիլիսոփայություն, 5-րդ., լրացվ. հրատ., Եր.: «ՎԱՎ-Դրինտ», 2015, էջ 182 – 211:

⁴² Տե՛ս Bregman R., Utopia for Realists, London: Bloomsbury, 2018, p. 44, 147; Gershuny J., Fisher K., Post-industrial society: Why work time will not disappear for our grandchildren // Sociology Working Papers, № 3, 2014, p. 30.

հասարակության կառուցման նպատակային դրույթ, բայց իրական լյանքում դա անկատար էր մնում: Իսկ ահա տեխնոլոգիական հնարավորությունների ընդլայնումը, կոմունիստական քարացած դոգմաներից ազատումը, կյանքի և աշխատանքի մասին 21-րդ դարի մարդու պատկերացումները նոր լրւյով են մեզ մատուցում Մարքսի գաղափարները, նորովի համոգում դրանց ճշմարտությունը:

Իհարկե, Կարլ Մարքսի սխալների մասին (իրական և թվայցալ) դեռ շատ է գրվելու, ինչն արդեն իսկ աներկրա ապացույց է նրա ստեղծած տեսական կառուցի հարուցած հետաքրքրության: Ամենաթունդ հակամարքիստներն անգամ պիտի ընդունեն, որ Մարքսի սխալները, այնուամենայնիվ, զիտնականի սխալներն են: Նա պրատող հետազոտող է եղել, այլ ոչ թե մարգարե կամ քարոզիչ, ուստի և անգամ նրա սխալ եզրակացություններն ուշազրավ են և ուսանելի: Չի կարող լինել անսխալական զիտական աշխատանք, մանավանդ հասարակական զիտությունների ասպարեզում. չի եղել նախկինում և չի լինելու ասպարայում: Բայց Մարքսի առավել «սխալաշատ» աշխատությունը նրա տիտանական ջանքերի արգասիք «Կապիտալ» մինչև օրս տնտեսագետների, փիլիսոփաների, սոցիոլոգների, պատմաբանների ուշադրության կենտրոնում է, ասել է՝ թե «սխալներից» զատ դրանում կա վիրիսարի փաստական նյութ և գրավիչ վերլուծություն:

Կարլ Մարքսի «Կապիտալ» եղել և մնում է կապիտալիստական արտադրանական գոյացման, գործառության և ներքին հակասությունների վերաբերյալ առավել հիմնարար հետազոտությունը: Եվ ինչպես էլ ներկայումս անվանվի այդ հասարակարգը «կապիտալիստական», «հետարյունաբերական», «ազատ շուկայական տնտեսության» և այլն, միևնույն է՝ դրա ամեն մի լրջմիտ վերլուծաբան չի կարող շրջանցել իր նախորդի՝ Կարլ Մարքսի կատարած աշխատանքը:

Կապիտալիզմը հետխորհրդային տարածում հաղթանակել է, բայց սա չի նշանակում, թե պարտվել է կապիտալիզմի տեսաբան Կարլ Մարքսը: Կապիտալիզմը հաղթանակը մարքսիզմի պարտություն ընկալել հենց ուղղագիծ, մակերեսային ընկալման այն արմատական սխալն է, որի վրա իրենց մտահայեցողական կառուցներն են մեզ երամցնում Մարքսի ըննադատները: Այնպես որ՝ Մարքսը, իսկապես, «վերաբարձել» է, և վերաբարձել է, քանի որ առանց «Կապիտալ» մանրագնին վերլուծության սոցիալական ոչ մի զիտնական չի կարող

կողմնորոշվել ժամանակակից կապիտալիզմի ինչպես բարենպաստ դերակատարման գնահատման, այնպես էր հակասությունների և ճգնաժամերի խորքային պատճառների պարզաբանման հարցում: Եվ ամեն որ ինքը պիտի որոշի, թե ինչպես կարող է օգուագործել Կարլ Մարքսի բողած տեսական ժառանգության և մեթոդաբանության ներուժը սեփական աշխարհայացքի ձևավորման, գիտելիքների հարստացման և իմացական գործունեության համար:

ԱՍՓՈՓՈՒՄ

Հոդվածի հիմնական գաղափարը Կարլ Մարքսի տեսական ժառանգության անաշառ վերագնահատման կարևորության շեշտադրումն է: 150 տարի առաջ լույս տեսած «Կապիտալ» կորողային աշխատությունը՝ նրա կյանքի ամբողջ գործը, բնակ է արժանի չէ հետխորհրդային շրջանի հումանիտար գիտություններին բնորոշ ամրթիած անտեսմանը: Մինչդեռ հատկապես մարքսյան սոցիալական փիլիսոփայության հիմնադրույթները հույժ արդիական են 21-րդ դարին բնորոշ մարտահրավերներին դիմագրավելու և նոր ստեղծված հնարավորությունները բարենպաստ կերպով գործադրելու համար:

Բանալի բառեր՝ Կարլ Մարքս, կապիտալիզմ, Մարքսը և «մարքսիզմ-լենինիզմ», «Մարքսի սխալները», աշխատանքի փիլիսոփայություն, «մարդ - տեխնիկա» համակարգ, մեթոդաբանական դրույթները:

СОВРЕМЕННОСТЬ СОЦИАЛЬНОЙ ФИЛОСОФИИ КАРЛА МАРКСА

Валерий Мирзоян

Доктор философских наук, профессор,
Армянского государственного экономического университета

РЕЗЮМЕ

Основная идея статьи заключается в акцентировании на необходимости беспристранный переоценки теоретического наследия Карла Маркса. Вышедший 150 лет назад его эпохальный труд – книга всей жизни – вовсе не достоин застенчивого пренебрежения со стороны гуманитарных наук постсоветских лет. Между тем именно основные положения социальной философии Маркса ныне архиважны как для

противостояния вызовам XXI века, так и для возможно благоприятного использования вновь открывшихся возможностей.

Ключевые слова: К. Маркс, капитализм, Маркс и "марксизм-ленинизм", "ошибки Маркса", философия труда, система "человек – техника", методологические положения Марковой социальной философии.

MODERNITY OF SOCIAL PHILOSOPHY OF KARL MARX

Valeri Mirzoyan

*Doctor of Philosophical sciences, Professor
Armenian State University of Economics*

SUMMARY

The main idea of the article is to emphasize the importance of the revalidation of the theoretical heritage of Karl Marx. The 150-year-old "Kapital" monumental work, the whole work of his life, is not worth the shameful fallacy of humanitarian sciences in the post-Soviet era. Meanwhile, the foundations of the Marx social philosophy are extremely actual in the best possible use of the challenges of the 21st Century and the new opportunities.

Key words: Karl Marx, capitalism, Marx and Marxism-Leninism, Marx's Mistakes, the Philosophy of Labor, Man – Machine System, Methodology of Marx's Social Philosophy.

КАРЛ МАРКС О ДЕЯТЕЛЬНОСТИ "ТАКЖЕ И ПО ЗАКОНАМ КРАСОТЫ"

Светлана Арзуманян

*Кандидат философских наук, доцент,
старший научный сотрудник Института
философии, социологии и права НАН РА*

Согласно К. Марксу, одной из отличительных характеристик подлинно человеческой деятельности является умение творить "также и по законам красоты". Это умение распространяется не только на искусство и отдельные виды эстетической деятельности, но и на все